

SOL DI PUEBLO

BRIYANDO FUERTE • TRECIENDO CLARIDAD



— CUERPO POLICIAL —
TA INFORMA



13 CHAUFFEUR

DETENI NA STA CRUZ



PA CORE AUTO BURACHI



**EDGARD VROLIJK
TA PRESENTA UN
LEY NOBO PA
'STUDIELENING' Y
'KWIJTSCHELDING'**

Copa Noord 2026: Cu “Hit di Oro” di Joward Croes

KUDAWECHA INDIANS TA RALLY DEN BOM DI 7 INNING PA LAGA ROYAL POWER TAT FAT 4-3 DEN TERENO



Copa Noord 2026 organisa pa Calabas Blue Jays dedica na (5) Baluarte Lea Tromp, Maria Boekhoudt, Aldrin Boekhoudt, Jeta De Cuba y Lenin Ashby a continua diadomingo riba veld di Calabas. Den un tremendo Partido cu a cana super rapido unda e prome 5 inning nan completo a wordo hunga den apenas 37 minuut y den 1 ora y 10 minuut a complementa

7 inning cual sigur ta bay como un record nobo pa cu Copa Noord.

Kudawecha Indians ta rally pa laga Royal Power Tat Fat den tereno:

Diabierna anochi riba veld di Centro di Barrio Noord den e prome Partido valido pa Copa Noord 2026 Royal Power Tat Fat a derota Kudawecha Redskins 12-5. Esaki a pone Indjannan di

Kudawecha (Kudawecha Indians) esta primo ruman di e tribu di Redskins a rabia y a prepara fuerte pa defende e barrio pa asina alivia e golpi di diabierna. Wel diadomingo atardi Kudawecha Indians a topa Royal Power Tat Fat y a bin decidido.

Kudawecha Indians ta laga Royal Power Tat Fat den tereno 4-3

Diadomingo atardi tabata tin un tremendo partido valido pa Copa Noord 2026. Oslin Tromp a inicia e partido pa Kudawecha Indians mientras Jomark Flanegin tabata riba monticulo pa Royal Power.

Duelo di pitcheo unda esaki a cana super rapido o-o te den cabez di 5 inning unda Royal Power ta logra bay ariba 3-0. M.Abreau ta drenta releva Oslin den cabez di 5 inning y a paga e candela den dicho inning. Bom di 7 inning cu un out Ricardo Pelayo ta conecta un homerun pa corta ventaha 3-1. Faltando dos out pa e Partido termina Kudawecha Indians ta rally riba batasonan di entre otro Echi Boekhoudt combina cu algun base por bola y un error en tiro pa finalmente laga Royal Power den tereno riba un hit di oro pa rightfield conecta pa

Joward Croes. Kudawecha Indians 4 careda, 13 hit, 0 error. Royal Power Tat Fat 3 careda, 6 hit, 2 error. Mihor bateadornan pa Kudawecha Indians a resulta Ricardo Pelayo kende a bay di 4-3 incluyendo un cuadrangular, Echi Boekhoudt kende a bay di 3-3, J Tromp a bay di 4-2 mientras Joward Croes a bay di 4-1 cu e hit crucial esta e hit di oro. Pa Royal Power a destaca na bate Jerieel Rafael y Keith Hooker ambos di 2-1. Weganan di Copa Noord ta continua diabierna-diasabra y diadomingo awor.



Peticion pa aprobacion di un plan di parcelacion na Burubundu conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 29 mei 2026 durante oranan di trabao. Tambe e plan por wordo mira riba www.dip.aw.

Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

13 CHAUFFEUR DETENI NA STA CRUZ PA CORE AUTO BURACHI

DURANTE CONTROL POLICIAL 13 CHAUFFEUR A WORDO DETENI PA MANEHA BAO INFLUENCIA

Diadomingo 24 di mei 2026 den oranan di madrugada polis di Santa Cruz a tene un control di trafico dirigi riba maneha bao di influencia di alcohol.

Polis di Santa Cruz a tene e control na diferente puntonan strategico y a controla varios auto.

Na final a detene 13 chauffeur pa maneha bao influencia di alcohol. Tambe a duna 14 boet pa no

tin un rijbewijs valido, no tin keuringskaart valido y falta pago di impuesto di vehiculo di motor.

Polis lo sigui haci su controlnan den trafico y ta haci un apelacion na tur automobilista pa tin tur e documentonan di vehiculo di motor na ordo y cubo.

Cuerpo Policial Aruba ta keda recorda cada automobilista pa baha bo velocidad, bisti bo safety-belt y pone bo celular un banda. Si bo ta bebe no stuur. Percura pa bo tin bo amigo responsabel.

Un trafico sigur ta responsabilidad di nos tur.



Shailiny Tromp-Lee:

"UN MINISTER PRESIDENT CU NO TA PAPIA CU SU PUEBLO, NO TA ATENDE CU NAN RETO Y PREOCUPACIONNAN, NO TA GOBERNANDO"

Parlamentario Drs. Shailiny Tromp-Lee a expresa un preocupacion profundo tocante e patronchi di silencio cu ta caracteriza e liderazgo di e Minister President actual. Aruba ta enfrentando crisisnan real cu ta rekeri claridad y direccion for di e nivel mas halto di Gobierno, pero loke nos ta haya ta silencio.

"E pregunta cu hopi Arubiano ta haci nan mes ta simpel: unda e Minister President ta? No den Parlamento. No den conferencia di prensa. No ta den declaracionnan publico riba e crisisnan cu ta afecta bida diario di nos famianan. E silencio aki no

ta accidental, e ta un escogencia consciente, un patronchi di sr Eman," Tromp-Lee a declara.

E patronchi aki ta bisto. Na prome luga, e Minister President nunca a aparece den sala di Parlamento pa un debate y ta laga preguntanan formal sin contesta. Tampoco e ta duna conferencia di prensa den su funcion. Y riba costo di bida cu ta subi drasticamente, crisis constante den gabinete, inseguridad aumentando, y crisis di salud mental empeorando... e unico contesta ta silencio un biaha mas.

Riba HOFA, un Rijkswet cu gran

mayoria di nos pueblo ta contra, cu ta bay directamente contra nos constitucion y cu casi nos por bisa cu nunca mas nos lo por sali di dje, e Minister President a firma, pero nunca a para dilanti di su pueblo pa defende ni splica su decision. Silencio atrobe.

Aworaki sigur Eman no ta cumpliendo: "Un Minister President tin e obligacion di papia cu su pueblo, di presenta na Parlamento, di contesta ora e pueblo ta puntra. Esaki no ta preferencia politico, esaki ta responsabilidad moral y constitucional." Tromp-Lee a splica



cu firmesa.

Aruba merece un liderazgo presente cu ta contesta ora e pueblo ta puntra y cu ta para firme pa nos autonomia. Un Minister President cu ta sconde pa debate y cu no ta papia cu su pueblo no ta gobernando. E ta simplemente yena un stoel.

A.T.A. TA COMPARTI RESULTADO DI APRIL 2026

Ingreso turistico y enfoke riba bishitante di balor halto ta sigui fortalece economia local

Aruba Tourism Authority (A.T.A.) ta registra resultado positivo den turismo durante april 2026, cu e ultimo datonan ta confirma un crecimiento continuo den gasto turistico y un enfoke mas fuerte riba bishitantenan di balor halto. Segun Tourism Credits publica pa Banco Central di Aruba, gasto turistico a yega AWG 5.554,4 miyon, un aumento di 6,5% compara cu año anterior, subrayando e impacto economico directo di turismo riba nos isla.

E Average Daily Tourist Spending (ADTS) a subi pa AWG 538,73 indicando cu bishitantenan ta sigui gasta mas durante nan estadia. Na mes momento, A.T.A. ta sigui evoluciona su strategia di targeting riba Household Income (HHI), cu un enfoke mas fuerte riba segmento cu ingreso halto. Desde A.T.A. Sui Generis, e enfoke di mercadeo a evoluciona paso a paso na nivel di ingreso familiar, pa e mercado Mericano a move di USD 100 mil pa USD 125 mil, despues pa USD 150 mil y finalmente pa USD 250 mil. Actualmente, A.T.A. ta pone mas enfoke riba e segmento cu ingreso familiar di USD 250 mil, reflejando un cambio pa atrae bishitantenan di mas calidad mas halto pa Aruba. E categoria di HHI di mas cu USD 250 mil, a crece cu 6% den 2025, mescos cu e categoria di esnan cu ta bishita y cu ta gosa di un entrada anual di mas cu USD 150 mil.

ESTADISTICANAN CONFORME ACTUALISACION DEN E INDUSTRIA DI TURISMO STAYOVER, ESTADIA Y PARTICIPACION DI MERCADO Den luna di april 2026, Aruba a ricibi un total di 157.160 bishitante

stayover, mientras cu e cantidad total di nochinan di estadia a yega 1.101.188. Esaki a resulta den un promedio di estadia (Average Length of Stay – ALOS) di 7,0 anochi, cu ta refleha un mescla consistente di duracion di estadia y tipo di biahe durante e luna.

E distribucion di mercado durante april a muestra cu Norte America a sigui ta e region cu e mayor aporte, representando 77,1% di tur bishitante. Sur America a contribui cu 16,8%, Europa cu 4,2%, mientras cu otro regionnan a representa 2,0% di total di yegadanan. Estados Unidos y Canada a sigui a contribui na mas yegadanan for di Norte America, mientras cu Argentina a muestra un crecimiento significativo dentro di Sur America. Pa Europa, Hulanda a sigui ta e mercado cu mas yegadanan, sigui pa otro paisnan Europeo.

Dato di perfil di bishitante ta muestra cu Aruba ta sigui atrae un publico multi generacional. Baby Boomers (23,4%) y Generation X (26,9%) hunto a forma e mayor porcentaje di bishitantenan durante april, mientras cu Millennials (25,7%) y Generation Z (14,5%) tambe a representa un segmento importante. E combinacion aki ta refleha con atractivo Aruba ta como destinacion pa diferente generacionnan di biahero.

SHORT TERM VACATION RENTALS (STVR)

A.T.A. ta sigui utiliza e plataforma Lighthouse pa monitorea y analisa e sector di STVR. Si compara april 2026 cu april 2025, e nivel di ocupacion promedio a keda rond di 56%. E ADR (Average Daily Rate) pa april 2026 ta USD \$310, mientras cu ingreso total YTD te cu april 2026 ta USD \$151.0 miyon, compara cu USD \$138.4



miyon na april 2025.

A.T.A. Statistical Monthly Report.

Bishita www.ata.aw tur luna pa e

EDGARD VROLIJK TA PRESENTA UN LEY NOBO PA ‘STUDIELENING’ Y ‘KWIJTSCHELDING’

Como ex-maestro y Parlamentario di MEP, Edgard Vrolijk a entrega un iniciativa di ley (Landsverordening studieleningen) na Parlamento di Aruba. E ley ta modernisa e sistema di studielening y ta habri un caminda concreto pa “kwijtschelding” di debe pa e graduadonan cu ta contribui na desaroyo di Aruba

EiniciativadileyLandsverordening studieleningen cu Parlamentario di MEP, Edgard Vrolijk a entrega e siman aki na Parlamento di Aruba, ta nace directamente for di su experiencia den enseñansa. Vrolijk a expresa: “Durante mi añanan den enseñansa, mi a para dilanti di diferente klas y mi a biba di cerca con studiantenan talentoso a desisti di sigui studia, pasobra nan no tabatin e medionan financiero. Tambe mi a mira con otro nan, despues di hopi sacrificio, a bolbe Aruba carga cu un debe di estudio asina grandi cu tabata haci’e casi imposibel pa nan keda biba riba nan isla. Esaki no ta un problema di estadística, sino un problema real di nos futuro como pais.”

Kico e ley ta cambia?

E sistema actual di studielening ta basa riba un articulo den e presupuesto di año 2006, un fundamento legal cu a keda atras di e realidad actual. E ley nobo ta unifica tur aspecto crucial, manera e prestamo, e condicionnan di pago y e posibilidad di kwijtschelding di debe, bou di un solo cuadro legal moderno y transparente. E propuesta aki ta introduci varios cambian grandi. Prome, e ley ta permiti cu un studielening por tin un periodo mas largo cu cinco año, algo cu ta necesario



den caso di estudio superior cu ta dura largo y cu ta exige un plan di pago mas realistico. Di dos, e kwijtschelding ta 50% di e debe habri, pa graduadonan cu a caba y ta traha na Aruba of cu a bin biba bek dentro di 5 año despues cu a termina su estudio den exterior y cu ta cumpli cu e condicionnan di e ley. Ademas, e ley ta stipula un descuento di 30% adicional pa esunnan cu paga nan debe den un solo pago, y un kwijtschelding di 100% den casonan special, manera fayecimento, invalidez permanente, of malesa cronico.

E cifra ta papia cla

Segun datonan di Ministerio di Finansa, di e casi 395 miyon florin cu a wordo otorga na studielening, apenas cerca di 5 miyon florin ta wordo paga bek pa año. E realidad aki ta demostra cu e problema no ta falta di voluntad pa cumpli, sino cu e carga financiero ta demasiado grandi y e condicionnan pa kwijtschelding ta demasiado restrictivo, un situacion cu e ley nobo aki ta bin atende

directamente.

Pa Aruba, no solamente pa e estudiante

“Un pais cu ta inverti den estudio di su hobennan y despues no ta crea condicionnan pa nan bolbe, ta perdiendo di dos banda”, Vrolijk a reitera. E ley aki ta un instrumento pa conecta inversion publico cu necesidad real di nos mercado laboral. E focus principal di e propuesta aki ta pa crea un beneficio dobel. Pa e graduadonan, e ta nifica un reduccion directo di nan presion financiero despues di estudio, motivando nos hoben profesionalnan pa regresa of keda aporta localmente. Pa Aruba, e ganashi ta strategico: e conocimiento cu pais Aruba a yuda financia ta keda den nos comunidad, specialmente den sectornan caminda tin un gran falta di personal, manera enseñansa, salud, infraestructura, turismo y tecnologia.

Condicionnan

pa

kwijtschelding di 50%

Pa bin na remarc’e, un graduado mester a termina estudio riba of despues di 30 oktober 2015, completando esaki dentro di e duracion nominal of e periodo autorisa di e lening. E graduado mester ta trahando na Aruba of cu e condicion cu si e estudio a tuma lugar pafo di e pais, e persona mester a bolbe biba oficialmente na Aruba dentro di cinco año despues di a gradua.

Documentacion rekeri: E solicitud aki mester bay acompaña pa un copia legalisa di e diploma of certificado oficial, un prueba di inscripcion den registro civil y un declaracion oficial di e doño di trabou.

Proximo paso

E Ley (Landsverordening studieleningen) mester wordo trata ainda den sala di Parlamento. Mi ta spera di curason cu coleganan den parlamento sostene e ley aki, paso esaki no ta pa un partido politico pero pa nos hobennan.

STATENLID XIOMARA MADURO REAGEERT OP UITSPRAKEN STAS. VAN DER BURG OVER DE RIJKSWET HOFA: “WIE DE CONSTITUTIONELE GESCHIEDENIS VAN ARUBA NIET KENT, MOET NIET PROBEREN ARUBA DE LES TE LEZEN”

Met alle respect, maar de uitleg van staatssecretaris Van der Burg toont vooral aan hoe weinig begrip er bestaat voor de constitutionele geschiedenis van Aruba en de gevoeligheden binnen het Koninkrijk.

Historische en staatsrechtelijke werkelijkheid

Aruba kreeg in 1986 de Status Aparte niet als “voorfase” naar een volwaardig land, maar juist als erkenning van een eigen politieke, culturele en bestuurlijke identiteit

binnen het Koninkrijk. Dat Aruba in 2010 niet opnieuw “een land” werd, maar simpelweg zijn bestaande landstatus behield, is geen detail. Het is de fundamentele staatsrechtelijke werkelijkheid.

Wanneer een Nederlandse staatssecretaris publiekelijk zegt dat Aruba “voor 10-10-10 status aparte had en daarna land werd”, getuigt dat van een zorgwekkend gebrek aan kennis over de verhoudingen binnen het Koninkrijk der

Nederlanden. Daarnaast is het problematisch om te suggereren dat Aruba “gelijkgetrokken” moet worden met Curaçao en Sint Maarten, alsof historische verschillen irrelevant zijn. Gelijkheid binnen het Koninkrijk betekent niet een uniformiteit die vanuit Den Haag wordt opgelegd. Elk land heeft immers een eigen geschiedenis, eigen afspraken en een eigen democratisch mandaat.

Nog zorgwekkender is de toon van “men kan ja zeggen, men kan nee zeggen”, alsof

er onderhandelingen plaatsvinden tussen volledig gelijkwaardige partijen zonder enige machtsasymmetrie. In de praktijk weet iedereen dat financiële druk, toezicht en politieke afhankelijkheid de Arubaanse onderhandelingsruimte wel degelijk beperken.

Wat Aruba verdient, is geen paternalistische uitleg vanuit Nederland, maar een respectvolle samenwerking gebaseerd op kennis van zaken, historische correctheid en wederzijds respect tussen



gelijkwaardige landen binnen het Koninkrijk. “Wie de constitutionele geschiedenis van Aruba niet kent, moet Aruba niet de les proberen te lezen” aldus Statenlid Xiomara Maduro.

ARUBIANONAN DEN SECTOR DI HOSPITALIDAD NA HULANDA TA RICIBI APRECIO DI PROME MINISTER MIKE EMAN

Durante su estadia na Voco Den Haag Prome Minister mr. Mike Eman a topa cu Raymond Bridgewater y Hiram Zievinger, dos profesionalnan cu ta activo den sector di horeca na Hulanda y cu ta contribui diariamente na e experiencia di hospitalidad den Den Haag. Prome Minister a gradici nan personalmente pa nan dedicacion, profesionalismo y

compromiso cu e sector di servicio. Como muestra di aprecio y conexon cu Aruba, el a entrega nan un pin di bandera di Aruba.

Hiram Zievinger, cu ta ocupa e funcion di F&B Manager na Voco Hotel Den Haag, tin 35 aña di experiencia den horeca y recientemente a cuminsa un nobo etapa profesional na e hotel. Raymond Bridgewater tin 5 aña

trahando den sector di horeca na Hulanda y ta forma parti di e grupo di profesionalnan cu diariamente ta representa balornan di trabou duro, hospitalidad y perseverancia.

Gabinete AVP-Futuro ta considera importante pa mantene contacto cu Arubianonan y amigo di Aruba den exterior, specialmente cu esnan cu



ta aporta positivamente na diferente sector profesional y cu ta fortalece e conexon entre Aruba y Hulanda door di nan trabou y dedicacion. Encuentro manera esaki ta contribui

na reforsa e sentimento di cercania y reconocimiento p’e personanan cu, a pesar di ta biba y traha na exterior, ta sigui carga Aruba den nan curason.



E FINALNAN CAMINDA CARCHINAN TABATIN E MAYOR PROTAGONISMO FALTANDO 13 DIA PA MUNDIAL

Spaña a graba su prome strea mundialista na Sur Africa 2010 despues di a derota Hulanda den un prorroga iconico, recorda como un logro lidera pa Andrés Iniesta, Iker Casillas y compania, pero marca tambe pa e friccion extremo di un compromiso cu a establece e record historico di 14 carchi den un final.

E compromiso disputa ey den e Stadion Soccer City di Johannesburg a pone na prueba e autoridad di e arbitro Ingles Howard Webb, kende envolvi den un bataya di desgaste, mester a contene e propuesta fisico fuerte di e escuadron Hulandes, buscando frecuentemente e carchinan den su saco.

E carchi cora pa dobel geel pa John Heitinga a corona e castigo pa 'Oranje', cu a acumula nueve advertencia en total, mientras cu e combinacion Spaño a suma cinco carchi den un partido di hopi tension.

E di dos lugha riba e podio disciplinario a tuma lugha a penas cuater aña pasa, den e Mundial di Qatar 2022. Durante e empate 3-3 entre Argentina y Francia, e arbitro Polaco Szymon Marciniak mester a maneha e revolucionnan cu un total di ocho carchi geel.


E sancionnan di e anochi ey na Lusail a parti asina: cinco advertencia p'e Albiceleste y tres pa e di ekipo di Gallia. Marciniak a contene e intensidad y e faltanan den un duelo cu a termina resolviendo di forma dramático den e pinaltinan na favor di e ekipo di Lionel Messi.

E edicion di Italia 1990 a anota e di tres registro di carchi pa un partido p'e titulo den e triunfo pa 1-0 di Alemania riba Argentina, caminda e arbitro Mexicano Edgardo Codesal a mostra un total di seis carchi den e nobenta minuutnan.

Mescos, Codesal a pasa pa posteridad pa mostra e prome dos carchinan cora den historia di e finalnan, mandando e Gauchonan Pedro Monzón y Gustavo Dezotti pa baño prome cu tempo.

E definicion di Alemania 2006 ta ubica den e di cuater lugha debi n'e encuentro cera entre Italia y Francia na Berlin, caminda el a encarga di parti husticia den e Estadio Olimpico, e Argentino Horacio Elizondo, a parti cinco carchi.

Elizondo a sanciona cuater futbolista durante e tempo



reglamentario, pero su decision mas recorda a bin den e prorroga. E hues a detene e accionnan pa mostra e carchi cora directo n'e astro Frances Zinedine Zidane, kende a duna un cabesaso na Marco Materazzi.

Recordnan absoluto di carchi den Mundial fuera di e partidonan p'e corona, e archief general di FIFA ta registra apenas tres encuentro den henter historia di e mundialnan cu a logra surpasa e barera di e 14 carchi imponi na Johannesburg.

Ta trata di Portugal-Hulanda di 2006, conoci como e Bataya di Nuremberg, Hulanda-Argentina di Qatar 2022 y Camerun-Alemania di 2002. Tres encuentro

cu ta comparti e record absoluto di e torneo cu exactamente 16 carchi.

Awo, e arbitronan lo busca den e Copa Mundial di 2026 pa conduci e compromisonan cu e reto di un torneo extendi na 48 seleccion, entre cua tin algun dependiente di e intensidad fisico, maske e antecedentenan ta duna prueba cu e finalnan mundialista sa dicta nan propio leynan di sobrevivencia riba yerba y tur ta duna tur cos.

E marca di e 14 carchinan di Soccer City ta keda warda den e archief general como un monumento na e figura di e arbitro central. Un registro dificil di iguala cu ta recorda, a su bes, cu den e disputa pa e trofeo mas preciado di planeta mester riesga tur cos.

PARIBA LEGENDS LO BIN TOPA BOU DAK!



Kudawecha/Calabas - Den weekend binidero, 30 di mei, lo bay tin un candeloso encuentro entre e legendarionan di pariba di brug, esta Pariba Legends contra e trabuconan di Bou Dak DT. E encuentro aki lo tuma luga n'e

mundialmente famoso Domino Square Garden, aya, net n'e grens entre Kudawecha y Calabas. Manera di custumber, entrada ta completamente gratis pa publico en general y durante halftime e pasapalonan lo skeiro rond totalmente por nada.

Pocopoco nos ta drentando den e temporada cayente caminda mondi lo pega candelora ora e teamnan di bush league cuminsa enfrenta otro pa determina cua ekipo t'esun di mas fuerte pa temporada 2026. Mas cu claro, e luga pa midi forza

t'e palacio di pega piedra aya na Kudawecha. E caravana di pariba di brug lo sali tempran p'e batay cuminsa exactamente 8'or di anochi riba 30 di mei binidero. Bou Dak kiermen cu esaki ta nan anochi caminda awa lo yobe cu lamper cu strena bou dak! Asina ta shonnan

di Pariba Legends ... "you guys have been warned"! Shonnan bini uno bini tur p'e candeloso encuentro diasabra awor 30 di mei cuminsando pa 8'or di anochi n'e mundialmente famoso Domino Square Garden entre Pariba Legends y Bou Dak DT! Yegaaaa!

CDA TA MIRA FUTURO POSITIVO PA COOPERACION DEN REINO HENRI BONTENBAL TA DESTACA E BALOR DI RELACION FUERTE ENTRE HULANDA Y ARUBA

Durante e bishita oficial di delegacion di Aruba na Den Haag, Prome Minister mr. Mike Eman a reuni cu lider di CDA, Henri Bontenbal, den Tweede Kamer der Staten-Generaal. Henri Bontenbal a cataloga e encuentro como un dialogo positivo entre "amigonan cristian-democrata", unda a intercambia pensamiento riba futuro di Reino Hulandes y e oportunidadnan cu

cooperacion entre e diferente paisnan por ofrece. Segun Bontenbal, ta importante pa no solamente mira e relacionnan den Reino for di problema of pasado, pero tambe for di e oportunidadnan pa futuro y e "win-win" cu por crea entre e diferente paisnan den Reino. Durante e reunion, a dialoga riba varios proyecto concreto, incluyendo

e acuerdo reciente tocante cooperacion cu Wageningen University & Research (WUR), e relacion strategico cu KLM y con pa sigui fortalece conexionnan entre Aruba y Hulanda. Segun Bontenbal, e encuentro a duna idea y inspiracion pa continua e dialogo den Parlamento Hulandes riba e temanan importante pa Aruba y Reino. Ora a puntra Bontenbal e pregunta si ta dificil



pa mantene apoyo pa Aruba den Tweede Kamer, Bontenbal a indica cu tin diferente partido politico cu ta kere den importancia di un Reino fuerte y den mantene e relacionnan positivo cu Aruba y e otro paisnan den Reino. El a enfatisa cu CDA ta keda comprometi n'e relacion aki y cu e partido

kier continua fortalece esey. Gobierno di Aruba ta aprecia e dialogo constructivo cu diferente actor politico den Hulanda y ta continua traha pa fortifica e relacionnan basa riba respeto mutuo, cooperacion y balor agrega pa tur pais den Reino Hulandes.

CFT TA BISHITA SINT EUSTATIUS Y SABA

Oranjestad/The Bottom – Riba 25 y 26 di mei, Colegio di supervision financiero di Boneiro, Sint Eustatius y Saba (Cft) a bishita Sint Eustatius y Saba. Cft a delibera tocante di e situacion financiero actual, e entidadnan gubernamental y proyectonan actual cu e Colegionan Ehecutivo y e Colegionan Insular. Riba Saba, Cft a tuma despedida di Gobernador saliente Jonathan Johnson. Riba ambos isla, Cft ta constata un mehoracion stabiel di maneho financiero, y ta enfatisa e importancia di cautela continuo den un entorno cambiante.

Sint Eustatius

Cft ta observa cu den e ultimo añanan, Entidad Publico a haci progreso considerabel den maneho financiero, di cual e declaracion aprobatorio di auditor tocante di 2024 tawata e resultado mas evidente. Banda di esaki, Sint Eustatius ta mustrandó plannan pa mehora e capacidad di implementacion, y e isla ta continua riba e caminda pa ta 'in control' duraderamente. Ademas, cu STUCO y EUTEL, Sint Eustatius tin dos entidad cu ta ehecuta tareanan publico importante, y cu ta posee un infraestructura esencial. A base di e informacion disponibel, Cft ta considera cu e

funcionamento actual di e entidadnan ta relativamente stabiel, aunke den e tempo venidero nan lo enfrenta retonan operacional. Durante su bishita, Cft a bishita haf, The Cliff y e proyecto di bibienda social, caminda ta construyendo 36 cas di huur social nobo. E proyectonan aki ta importante pa e desaroyo economico y social di Sint Eustatius. Cft ta constata cu den e areanan aki ta haciendo progreso visibel.

Saba

Cft ta bolbe expresa su aprecio pa e calidad halto di e maneho financiero di Saba. E presupuestonan ta na ordo, y nan ta wordo



entrega na tempo. Banda di esaki, Cft ta observa cu Saba ta manteniendo e desaroyonan positivo aki. Ademas, cu Saba Electric Company (SEC) y Satel, Saba tin dos entidad gubernamental cu ta ehecuta un tarea publico y cu ta posee un infraestructura importante. E informacion disponibel ta muestra cu e entidadnan aki tambe ta funciona relativamente stabiel, aunke nan ta enfrenta retonan operacional tambe.

Ademas, Cft a tuma despedida di Gobernador Jonathan Johnson, kende ta baha despues di 18 aña. Señor Johnson a haci un contribucion importante na e estabilidad financiero y administrativo actual di Saba. Cft a gradici'e sinceramente pa su añanan di dedicacion y trabao.

Finalmente, pa ambos isla ta conta cu nan ta operando den un mundo cu actualmente ta den movecion,

ENCUENTRO ENTRE PROME MINISTER MIKE EMAN Y ESCRITOR HANS VERBEEK

Durante su bishita oficial na Hulanda, Prome Minister mr. Mike Eman a reuni diahuebs merdia cu escritor y ex-periodista politico Hulandes Hans Verbeek, autor di e buki "De Vergeten Minister-President". Durante e encuentro, a intercambia pensamento riba historia politico, liderazgo y e importancia di preserva e legado historico cu a

forma Hulanda y Reino Hulandes. E buki "De Vergeten Minister-President" ta relata e vida y carera politico di Gerrit Schimmelpenninck (1794-1863), e prome minister-presidente di Hulanda. E publicacion ta ofrece un perspectiva mas profundo riba e debate constitucional rond di 1848 y e rol cu

Schimmelpenninck a hunga den e periodonan decisivo den historia politico di Hulanda. Segun Verbeek, e buki ta busca amplia e comprension historico tocante e diferente visionnan politico cu tabata existi durante e tempo ey. Hans Verbeek, kende anteriormente a traha como periodista politico na Den Haag y



coresponsal den exterior, actualmente ta trahando p'e provincia Overijssel. Su investigacion ta basa riba diferente fuente historico y diplomatico cu no tabata uza anteriormente. Como señal di aprecio durante e encuentro, Prome Minister Mike Eman a entrega Hans Verbeek un copia di e buki

"Volk van Veerkracht" di Luc Alofs y René Zwart.

E publicacion ta relata e historia di resiliencia, perseverancia y fortaleza di pueblo Arubiano, y ta muestra con Aruba a logra desaroya su mes identidad y capacidad pa supera diferente reto durante generacionnan.

Minister Gerlien Croes:

ARUBA TABATA ANFITRION DI E DI CUATER EDICION DI 'WOMEN IN PARA SPORTS AMERICAS SUMMIT'

ORANJESTAD, 28 di mei 2026 – Recientemente, Gobierno di Aruba hunto cu Aruba Paralympic Committee (APC) conhuntamente cu Americas Paralympic Committee (AmPC) a organisa un exitoso edicion di e 'Women in Para Sports Americas Summit', cu a tuma luga na Aruba durante tres dia consecutivo.

E cumbre aki a reuni mas di 50 hende muhe lider den region Panamericano, representando 29 pais, pa dialoga riba topiconan clave relaciona cu inclusion, liderazgo y desaroyo den para sports. Durante e tres dianan, e enfoke principal tabata riba fortalece conexiannan, amplia rednan y converti ideanan na accion concreto, reconociendo cu liderazgo no ta wordo construi individualmente, sino conhuntamente den un comunidad.

Como Minister di Deporte, Minister Gerlien Croes a participa activamente den e panel titula "Leading Global Change: Advancing Women in Sports Across Systems", unda hunto cu lidernan internacional manera Barbara Ortiz (United Nations), Alia Atkinson (campeon mundial y atleta olimpico), Shardea Croes (AmPC Women's Committee) y Nicole Hoevertsz (International Olympic Committee), nos a discuti con por impulsa cambio real den sistema deportivo y fortalece participacion y liderazgo femenino na tur



nivel. E prome dia a marca e inicio di conversacionnan importante y conexiannan regional, mientras cu e di dos dia a wordo caracteriza pa energia, intercambio di conocimiento y creacion di lasonan significativo entre e participante nan. Durante e cumbre di hende muhe den para sports, participantenan local y internacional a disfruta di un exhibicion interactivo cu diferente organisacion y fundacionnan cu ta brinda servicio na persona cu limitacion. Informacion, demostracion y inspiracion—hunto pa sigui promove inclusion y desaroyo den deporte. E dia final a representa un clausura inspirador, unda tur informacio a wordo converti na accion, cu enfoke riba liderazgo cu proposito, hermentanan practico y un vision strategico pa sigui crea impacto den para sports

for di cada rol cu e participantenan ta ocupa. E edicion aki a destaca su mes como un exito completo, no solamente pa su contenido y participacion internacional, sino tambe pa su enfoke innovador. Pa prome biaha, e cumbre a habri su porta pa participacion di comunidad, permitiendo intercambio directo di experiencia entre profesionalnan, para-atletanan y publico. Tambe, pa prome biaha, a inclui participacion di hende homber den e dialogo, reflehando un enfoke inclusivo y integral, conforme vision di e organisacion. E presencia di figura internacional importante, manera representante di United Nations, Barbara Ortiz, y representante di International Paralympic Committee, Ojunoka Agudah, a agrega balor



significativo na e nivel di e cumbre, posicionando Aruba como un referente pa futuro edicionnan un biaha mas. Como Gobierno di Aruba, nos ta orguyoso di a contribui na realisacion di e evento aki, reafirmando nos compromiso cu inclusion, igualdad di oportunidad y desaroyo di para sports. Minister Gerlien Croes a expresa su gradicimento na Aruba Paralympic Committee, Americas

Paralympic Committee, tur partnernan y organisadonan, pa nan dedicacion, liderazgo y esfuerzo continuo. E cumbre aki no solamente a fortalece e presencia di para sports, pero tambe a planta e base pa un futuro unda mas hende muher lo lidera, inspira y crea cambio den deporte riba nivel local y internacional. Hunto, nos ta sigui construi un movimiento cu ta transforma bida y crea oportunidad pa tur.

PROGRESSIEF NEDERLAND TA MIRA FUTURO DI ARUBA CU OPTIMISMO Y COOPERACION DEN REINO



Jesse Klaver ta enfatisa importancia di continua fortalece e lasonnan entre Aruba y Hulanda. Durante un encuentro den Tweede Kamer der Staten-Generaal cu delegacion di Aruba, lider di fraccion Progressief Nederland, Jesse Klaver, a enfatisa e importancia di mantene dialogo y cooperacion activo entre e diferente paisnan den Reino

Hulandes. E reunion cu Prome Minister mr. Mike Eman tabata centra riba futuro di Reino, cooperacion strategico y e vision pa desaroyo sostenibel y economia di conocimiento den Aruba. Progressief Nederland ta e movimiento politico cu a surgi for di e fusion entre GroenLinks y PvdA, cu e meta di reuni e forsa progresista den

Hulanda alrededor di tema social, sostenibilidad y cooperacion internacional. Segun Klaver, e relacion entre Aruba y Hulanda mester continua basa riba respeto mutuo y e conciencia cu tur pais den Reino ta comparti un historia y un responsabilidad comun. "Nos ta separa door di un oceano, pero nos ta conecta door di un historia comparti. Ta importante cu nos sigui construyendo hunto rib'e futuro nobo di Reino," Klaver a expresa despues di e reunion. Durante e encuentro, a dialoga riba diferente tema strategico, incluyendo cooperacion den area di conocimiento, innovacion y e rol cu instituto manera TNO por hunga den futuro

economico di Aruba. Klaver a expresa cu el a aprecia e vision comparti pa Prome Minister Mike Eman y a destaca su experiencia politico y direccion strategico. "E Prome Minister ta un homber cu un trayectoria hopi largo y cu un vision sumamente interesante. Mi ta contento cu el a comparti esaki cu nos awe," Klaver a comenta. Klaver tambe a enfatisa cu den Tweede Kamer tin hopi interes tocante e importancia di Reino Hulandes y e necesidad pa mira e paisnan den Caribe como partner igual den e mesun Reino. El a señala cu hopi biaha na Hulanda

ta lubida cu Aruba no ta un pais stranhero, sino un parti integral di Reino. Segun Klaver, hopi logro positivo lo por alcansa den cooperacion entre Aruba y Hulanda y e tin confiansa cu ainda tin hopi oportunidad pa fortalece e relacionnan institucional y strategico den futuro. E reunion forma parti di e serie di encuentro oficial cu delegacion di Aruba ta mantene durante bishita na Hulanda, enfoca riba fortalece relacionnan institucional, amplia cooperacion internacional y crea oportunidadnan nobo pa desaroyo economico y social den Aruba.

Division Honor Liga Oro

AB CAMPEONATO 25 26

SEMI-FINAL					
1	Diabierna	29-Mei-26	8:30PM	DAKOTA	vs BRITANNIA CDGT
	Diasabra	30-Mei-26	8:00PM	SPORTING	vs LA FAMA CDGT
2	Diamars	09-Jun-26	8:30PM	BRITANNIA	vs SPORTING CDGT
	Diaranson	10-Jun-26	8:30PM	LA FAMA	vs DAKOTA CDGT
3	Dialuna	15-Jun-26	8:30PM	DAKOTA	vs SPORTING CDGT
	Diamars	16-Jun-26	8:30PM	LA FAMA	vs BRITANNIA CDGT

FINAL

1	Diadomingo	21-Jun-26	7:00PM	GAN-1	vs	GAN-2	CDGT
---	------------	-----------	--------	-------	----	-------	------

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 28, 2026

CATOLIC Sorteo # 4987 2010 6102 0156 X2 BIG 4 Sorteo # 4987 6729 X2 YFF Sorteo # 3043 9123 LODIAC Sorteo # 4987 9217 Capricornio LUCKY 3 Sorteo # 1861 774 X2	LOTTO 5 Sorteo # 0 x Jackpot 0 x Match 4+ 0 x Match 4 0 x All 12,00 380.000,- LOTTO DIA Sorteo # 0 x Jackpot 0 x Match 4 0 x All 8,00 52.000,- MEGA Sorteo # 0 x Jackpot 0 x match 4 0 x All 500,00 0 x All 50,00 0 x All 15,00 280.000,- MEGA PLUS Afl. 380.000,- LORSON Sorteo #
---	---

ATIA TA ANUNCIA SU SOSTEN PA E FRAMEWORK HOFA PA FORTIFICA FUTURO FINANCIERO DI ARUBA

Oranjestad, Aruba - 28 di mei 2026 - Aruba Trade & Industry Association (ATIA), representando un amplio sector di e comunidad empresarial di Aruba, ta anuncia awe su sosten pa e implementacion di e framework HOFA (Houdbare Overheidsfinanciën Aruba).

ATIA ta considera HOFA como un paso importante pa asegura e estabilidad fiscal na largo plazo, mehora credibilidad financiero di Aruba, y crea un ambiente mas previsibel pa inversion empresarial y crecimiento economico.

“Sector priva di Aruba ta depende di e estabilidad, transparencia y maneho financiero responsabel,” ATIA a declara. “E framework HOFA ta ofrece e basenan fiscal necesario pa proteha nos futuro economico y fortalece confianza entre inversionistanan, prestamistanan y partnernan internacional.” ATIA a destaca varios motibonan pa su sosten, incluyendo e potencial pa baha costo di financiamiento door di acceso na financiamiento Hulandes cu clasificacion AAA, mas predictibilidad den politica gubernamental, y un mihor competitividad na largo plazo pa economia di Aruba.

Sector priva ta e motor principal di economia di Aruba, empleando

aproximadamente 50,000 persona den diferente industria cu ta contribui na prosperidad nacional. ATIA ta enfatisa cu finanzas publico sostenibel ta esencial pa proteha trabounan, stimula inversion y asegura cu Aruba ta keda un destino atractivo pa turismo y comercio.

ATIA tambe a nota cu HOFA ta un framework temporal, diseña pa guia Aruba bek na finanzas publico sostenibel y restablece resiliencia fiscal na largo plazo. Door di establece normanan y expectativanan cla, HOFA ta ofrece e estructura necesario pa Aruba recupera fortaleza financiero mientras cu e medidanan ta limita den tempo y enfoca riba recuperacion.

Mientras cu ATIA ta reconoce cu HOFA ta rekeri disciplina y reformanan structural, e asociacion a indica cu e beneficionan na largo plazo ta supera e desafionan na corto plazo.

“Un fundacion fiscal stabiel no ta solamente un prioridad gubernamental, pero tambe e ta un prioridad nacional,” e asociacion a declara. “HOFA ta ofrece un framework cu ta sostiene e tumamento di decisionnan responsabel y fortalece resiliencia di Aruba.”

ATIA a reafirma su compromiso pa sigui

traha hunto cu gobierno, partnernan social y comunidad en general pa segura cu futuro economico di Aruba ta keda fuerte, competitivo y sostenibel.

###

ATIA

Aruba Trade and Industry Association (ATIA) a wordo funda na aña 1945 y ta e organisacion principal cu ta representa empresanan, empresarionan y comercio na Aruba. E meta di ATIA ta pa defende, promove y proteha e interesnan di su miembronan y comercio di Aruba en general. Pa



mas informacion por atiaruba, y <https://www.bishita www.atiaruba.org> of nos rednan social www.facebook.com/arubatrade, www.instagram.com/

**Señor, Bo conoce mi y bo ta comprende mi,
Y bo sabi tur cos mi ta haci, di leu bo ta comprende mi pensamiento
Bo sabi pakiko mi ta traha o sosega,
Bo conoce tur mi obranan.**


A bula bay tempran serca señor




Ing. Alberlina "Tina" Croes-Albertz
*31-08-1966 - †26-05-2026

Acto di entierro lo wordo anuncia despues.

SOPI DI LETRANAN



CUADRADO



RECTANGULO



TRIANGULO



CIRCULO




ROMBO



CORAZON



ESTRELLA



OVALO

A S C T I M Q L E A R

C O R A Z O N C Ñ M O

T F B L D V T U L T M

A E L A O A H A I A B

C I R C U L O D C K O

D B V D F O D R B D A

R V O L U G N A I R T

O A N O A C J D A O E

S M I S T S S O P S M

T O L U G N A T C E R

E S T R E L L A I E P

Oracion di dia

Un dia fructifero colma cu gracia na abundancia

El a contesta: 'Hipocritanan, profeta Isaias a describi boson bon ora cu el a bisa, manera ta skirbi: E pueblo aki, Dios ta bisa, ta alaba Mi cu nan boca so, ma den nan curason nan ta leu fo'i Mi. (Marco 7,6)

Locual ta molestia Hesus ta e hipocresia, e hipocrita ta fingi desconoce algo of fingi di ta inocente. Si tin buraco den e ley e lo uze p'asina hustifica locual e ta haci pa su cumbinencia. Esaki ta un blasfemia paso Dios bo no por gaña pero ta fingi desconoce of simplemente no ta worry. E di ocho mandamento ta bisa pa hende no lanta falso testimonio ni tampoco gaña. Nos por puntra nos mes si na tur momento nos ta consciente di esaki y nos ta haci esaki. Hopi biaha nos ta faya, haci redo of lanta falso testimonio riba otro hende, p'esaki nos lo mester reflexiona y pidi pordon, confesion ta importante pa nos haci, p'asina cambia nos bida y pa sigui biba un bida corecto den fe y cu un curason limpi di pica y di tur mal pensamiento p'asina nos no ta hipocrita y sigui riba caminda di Dios.

Oracion: Señor Hesus, duna nos e gracia di por compronde bo palabra y laga nos no wak e splinter den e wowo di otro mas bien yuda nos mira e biga den nos mes wowo. P'asina nos no gaña ni biba mane hipocritanan. Pa e motibo aki nos ta acudi na Señor, yuda nos cura nos mal accionnan cu ta aleha nos di e amor di Dios.

Amen

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

FORTALEZ PA FAMILIA

Scirbi pa Pastor Marcel Balootje.

BIBA BON CU OTRO Y HONRA DIOS

Ora nos ta biba bon cu otro, especialmente den nos familia, den nos hogar nos ta duna honor na Señor, pasobra Señor ta manda nos pa stima otro. (Hebreonan 12:14).


Materialismo a pone cu hende ta stima placa mas cu Dios, y den mesun rosea ta stima placa mas cu hende, y nos por tuma nota cuanto danjo e pensamentonan ey ta causando, pero una bes hende ta pone Dios un banda y hisa e carga di mundo pone riba nan cabes e consecuencia ta duro pa e hende.

Hesus a bisa bin cerca mi tur cu ta cansa y carga, esaki no ta conta solamente pa hende grandi, pero mucha tambe, pa hubentud tambe, pasobra e enemigo no ta respeta edad, pesey nos como mayor mester guia nos yuinan den caminda di Dios, pasobra diabel ta loer, y pica tambe ta loer.

No solamente nos mester educa nos yuinan, cu palabra y disciplina, pero nos bida como mayor mester ta un ehempel bibo di locual nos ta bisa nan y sinja nan, pa no solamente nan scucha palabra, pero nan mira den nos como mayor hechonan cu ta honra Dios, y cu ta expresa nos amor na nan.

Tin cosnan cu nos mester tene cuenta cune como mayor, pasobra e laso familiar ta laso delicado, cu masha liher por wordo herida, y cu un caminda un trauma ta keda, y nunca nos no sa, cu locual cu a pasa hopi anja atras, por duna un fruta negativo awe, pasobra un hende den familia a keda herida, e a mira, tende of experiencia algo cu e no por lubida, pesey nos como mayor nos bida mester ta honra Dios.

Hebreonan 13:4 ta bisa: Laga matrimonio wordo honra pa tur hende, laga e cama matrimonial ta sin mancha, pasobra Dios lo husga e fornicador y adulteronan. Laga boso karakter ta liber di amor pa placa y sea contento cu loke boso tin: Pasobra E mes a bisa, Nunca lo mi bandona bo, y nunca lo mi laga bo desampara.



E consecuencia di adulterio, maltrato, divorcio, etc, no ta algo chikito, no ta djis un temporada di separacion, pero ta algo cu ta keda tin su efecto riba e familia, pasobra ora un matrimonio wordo kibra algo santo y sagrado di Dios, a wordo viola, pasobra matrimonio ta entre e homber, e muher y Dios, Pesey no mester haci wega cu matrimonio di ningun forma, pasobra tin consecuencia awe y mayan.

Nos yuinan ta regalo di Dios, fruta di barica ta un recompensa, (Salomo 127:3), nan tey pa wordo educa, stima y guia den bon caminda, pasobra esey ta nos deber como mayor, y e ta un mandato di Dios. (Salmo 128).

Den Josue 24:15 ta para scirbi: Ami y mi cas lo sirbi Señor. Awor awendia cu tempo a bira moderno, no laga ningun hende tin miedo of berguensa di bisa esey, pasobra esey ta realidad di bida, caminda un cas no ta duna honra na Dios y no ta sirbi Señor e cas ey ta falta di pas y tranquilidad.

No wak e grandura di bo cas, ni tampoco con luho bo ta biba, no ta importa si bo tin un mansion, of un apartament of un rancho, wak pa den bo cas e nomber di Dios, ta wordo halsa, den tur cos, pasobra un cas cu ta honra Dios, un familia cu ta honra Dios, ta biba bao di proteccion di Dios, ta biba bao di e hala y sombra di e Altísimo, y nan proteccion, tey tur momento, y tin seguridad.

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trakil, Pa mi bolbe haña forsa”
Salmo:23

Cu dolor na nos curazon, pero conforme cu boluntad di Dios,
nos ta anuncia fayecimento inespera di nos ser stima:



Elisabet Elena Pimienta

Cariñosamente yama “Betty”

*13 Mei 1952 Aruba - +24 Mei 2026 Den Haag - NL

Na number di su:

Rumanan: Norma+ y Pedro+ Wernet-Pimienta
Judith y Orlando+ Arends-Pimienta
Lydia y Miguel Funez-Pimienta

Maria Elena Pimienta na Colombia
Aineres Pimienta na Colombia

Sobrina/o(nan): Mirlangela y Jairo Alegria-Wernet
Jeanine y Augustin Maduro-Wernet y familia
Orlando “Dito” Arends, Esposa y familia
Yanais J. Arends
Miguelito y Erica Funez-Arends y familia
Melvin y Giselle Funez-Rodriguez y familia
Luis Carlos “Lucho” y Mimi Dangond-Lobo y familia

Amparo Escobar y familia
Josefa y Ciro Maduro-Pimienta y familia
Demas sobrino/a (nan) na Colombia

Mescos cu yiu su Iha: Michael Linzey
Bon Amiga: Rosa Maria Costa De Jesus

Su primanan: Alba+ Arends yuinan y familia
Neida Simon yuinan y familia
Su primo: Encho Padilla yuinan y familia

Conforme Betty su deseo acto di cremacion
lo tuma lugar na Den Haag – Hulanda, Diabierna 29
di Mei 2026.

Si ta desea di comparti palabranan di condolencia,
por comunica na e siguiente email:
famiapimienta@gmail.com

**Na porta di Su cas, bo Tata ta wardabo.
Dios ta duna y Dios ta tuma. Y ora e yamada bin,
nos mester baha e cabes humildemente.**

Apesar cu e yamada a bin mucho trempa, nos mester ta agradecido pa e añanan cu nos por a disfruta di e amistad y bondad di Ryan.
Cu un dolor profundo na nos curazon nos ta participa cu a bay sosega den brasa di Señor

Na number di su:

Esposa: Nelitza Flanegien-Oduber

Yiunan: Noah Liam Flanegien

Chiara Isabella Flanegien

Mayornan: Asinto (Chin) y Richardina (Inchi) Flanegien-Oduber

Ruman: Richard y Gianni Flanegien-Dammers

Subrino/a: Gideon y Sarah Flanegien

Welonan: † Felix y † Chita Flanegien-Ruiz

† Casper y † Bertha Oduber-Yarzagaray

Suegronan: Nelson y Margriet Oduber-Britten

Cuña: Nelienne y Lars Valkering

Padrino y madrina di bautismo:

† John Oduber y Sira Waslander-Flanegien

Padrino di confirmacion:

Roderick (Rudy) Dammers

Su omo y tantanan:

† Emiliano y † Anita Flanegien-Kellij

† Agnes y † Arie van Weenen-Flanegien

Lucila y † Vale de Kort-Flanegien

Berta y Tony Giel-Flanegien

† Victoria y † Edwin Croes-Flanegien

Mateo Flanegien

† Felix Flanegien

Sira y † Anne Waslander-Flanegien

Richard Oduber

† John Oduber

Jane Oduber

Glenda y Jacobo Tromp-Oduber

Manera tanta: Mary Lacle y Joseph Arends

Su primo y primanan:

Mena, Petra, Digna, Martin, Angel, Erwin, Norine, † Robert, Ingrid, Ronnie, Erik, Yolanda, Lidia,

Dorothy, Franklin, Lucille, Enid, Herbert, Renald, Ianthe, May-Lin, Fayona, John-Jairo, Simon,

John Patrick, Jo-Ann Mary-Ann, Jinny, Dayenna

Tur e tanta y omonan grandi y tur actoprino/a.

Tur su amigo/anan di St. Annaschool, Colegio Arubano y tambe co-estudiante di Hulanda y

tur otro bon amigo/anan cu Ryan a stima tanto y cu ta demasiado pa menciona.



**Ryan Allan Acintho Siro
Flanegien, RA**

Aruba 22-10-1980 Amsterdam 18-05-2026

Demas famia y conocirnan ta invita pa un celebracion di bida di Ryan riba:

Diabierna 29 di Mei di 6or pa 8or P.M. na Royal Funeral Home, na cual ocasion tin oportunidad pa condoleer famia y amistades.

Diferente di su bon amigo/anan lo tene discurso recordando nan brother Ryan stima.